

Là, nua che tschiel e terra vegnan uschè da manai vel

Ir a Ziteil è adina fascinant ed impressiunant

■ (anr/gc) Ziteil e ser Duri Loza, stà custos durant 50 onns, eran sinonims fin da curt. Perquai èsi stà in pau curius da na al vesair 2001 en il sanctuari sin la spunda dal Curver tar il pelegrinadi da la Societad da students svizzers (SSS/StV). Quel ha gè lieu quest onn per la 7. giada, mingamai l'avust, ed è puspè stà sut l'egida da la Corporaziun academica Rezia a Friburg.

Ina tradiziun che sa cuntinuescha

Quest pelegrinadi è daventà ina buna tradiziun – il merit grond era da l'anteriur avat *Pancraz Winiker*, da Mustér. Quest onn ha el l'accompagnà per l'emprima giada senza il grond burdi abbazial. Fatg part han studentAs ed academichers da la Svizra e l'exteriur cun lur confamigliars. L'anteriur avat ha dà profund cuntegn ed en il medem temp era sustegn e mussavia. Quai ha entschavì si Munter cun insaquants patrats e surdond curts texts biblics accompagnants per meditar. Tacentamain è la processiu ida – cun las bandieras da la secziuns Desertina, Rezia, Berchtoldia e Cheruschia Tübingen a la testa – vers il sanctuari da Ziteil. Era son Pieder ha vulì bain. El aveva laschè plover sco da derscher cun sadellas fin a l'arrivada a Munter. Pil tschancun a pe è la brentina svanida. Alur èsi stà frestg e cler ed uschia bel dad ir «siador da val da larmas.»

Pelegrinar – simbol per cuntanscher il final

La baselgia da Ziteil era bain emplenida tar il servetsch divin rumantsch-tudestg. Quest è vegnì celebrà dad a. avat *Pancraz Winiker*, assistì da pader *Damian Weber*, oriund da Panaduz ed anteriur directur da la Missio (Ovras papalas per las missiuns) da la Svizra e da msgr. *John Concoran*, chau da la Missio da l'Engalterra e Wales, Londra.

A l'entschatta da ses predi ha avat *Pancraz* rendì attent ad in artitgel che *Pieder Tuor* ha scrit 1912 sco redactur en l'Ischi (publicaziun da la Romania). En quest renda el attent a la coincidenza da la cumparida da Nossadonna 1580 si Ziteil e da la visita da s. *Carli Borromeo* 1581 a la claustra da Mustér che hajan sveglià da nov il



A. avat *Pancraz Winiker* ha chapì da persvader e motivar pelegrinAs.

LQ

spiert catolic tant en Sursaisa rumantscha (Surmeir) sco en Surselva. Uschia vegnia attribui als dus fatgs la medema gronda muntada e consequenza.

La omilia è stada sut il motto «Sin via vers la vaira patria en tschiel». Era il segund concil dal Vatican puntueschia il pelegrinar dal pievel da Dieu. Uschia vegnan ins pli datiers in da l'auter e cun meditar s'avischinian ins al Segner. Era Maria saja sa messa sin via en prescha vers la muntogna en ina citad da Giudea per visitar Elisabet. Quest viadi saja simbol per nossa via e vita en cardientscha che haja in final.

Suenter la messa han ins fatg da cu-

minanza tschavera en la canorta dals pelegrins. Insaquants han anc fatg la stgala – insatgè ch'ins sto pir declerar oz co i va tiers. Cun il *Salve Regina* è la dimora a Ziteil stada a fin. Ins è returnà a val per las vespras en la caplutta da l'ospizi a Salouf. Qua ha gè lieu la sentupada cun ser *Duri Loza*, uschia ch'il pelegrinadi è tuttina stà cumplet.

Ad a. avat *Pancraz Winiker* è vegnì engrazià cun in regal simbolic (ina candeila) per ses buns servetschs. El ha chapì da far da quest pelegrinadi in eveniment impressiunant e nunembli-dai vel, uschia che tgi ch'è stà returna puspè.